

SCÉIM DHEONTAS COTHABHÁLA DO MHC LÉINN A FHREASTALAÍONN AR CHÚRSAÍ IAR- ARDTEISTIMÉIREACHTA 2008

Coiste Gairmoideachais Chathair na Gaillimhe

CLÁSAL 1: MÍNITHE

Sa scéim seo:

ciallaíonn “**cúrsa ceadaithe**” Cúrsa lánaimseartha Iar-Ardeistiméireachta (PLC) ar bliain amháin ar a laghad a fhad, atá ceadaithe ag an Aire Oideachais agus Eolaíochta chun críocha na scéime seo; (Tá liosta de na cúrsaí PLC ceadaithe ar fáil ón gCoiste Gairmoideachais)

ciallaíonn “**iarrthóir**” duine ar ina leith atá deontas á lorg;

ciallaíonn “**iarrthóir seachas iarrthóir aibí**” gach iarrthóir, seachas iarrthóir aibí, atá cáilithe lena bhreithniú nó lena breithniú faoin scéim seo;

ciallaíonn “**iarrthóir aibí**” iarrthóir atá 23 bliana d’aois ar a laghad ar an 1 Eanáir den bhliain iontrála i gcás an chúrsa cheadaithe PLC;

ciallaíonn “**iarrthóir aibí i gcleithiúnas ar thuismitheoirí**” iarrthóir aibí a raibh gnáthchónaí air/uirthi lena t(h)uismitheoirí ón 1 Deireadh Fómhair, 2007;

ciallaíonn “**iarrthóir aibí neamhspleách**” iarrthóir aibí nach raibh gnáthchónaí air/uirthi lena t(h)uismitheoirí ón 1 Deireadh Fómhair, 2007;

ciallaíonn “**leanaí cleithiúnacha**” leanaí, lena n-áirítear leanaí altramais, de chuid tuismitheoirí nó caomhnóirí iarrthóra nó leanaí de chuid iarrthóra aibí neamhspleách, de réir mar a bheidh i gcás áirithe, ar leanaí iad a bhí, ar an 1 Deireadh Fómhair 2007,

- (i) faoi bhun 16 bliana d’aois, nó
- (ii) atá 16 bliana d’aois nó os a chionn, agus
 - (a) atá ag freastal ar chúrsa staidéir lánaimseartha in institiúid oideachais agus atá i gcleithiúnas ar a dtuismitheoirí, nó
 - (b) a bhfuil deimhniú liachta ann ina leith á rá go bhfuil siad neamhinniúil go buan ar obair a dhéanamh;

ciallaíonn **“gnáthchónaí”** seoladh buan nó gnáthsheoladh thuismitheoirí nó chaomhnóirí an iarrthóra ón 1 Deireadh Fómhair, 2007. I gcás iarrthóra aibí neamhspleách, ciallaíonn a ghnáthchónaí/gnáthchónaí gnáthsheoladh nó seoladh buan an iarrthóra aibí neamhspleách ón 1 Deireadh Fómhair, 2007.

ciallaíonn **“ioncam ináirithe”**-

- (a) gach méid* a fhaigheann duine, nó atá infhaighte ag duine, gan spleáchas dá c(h)ónaí nó dá s(h)ainchónaí, ó fhoinsí Éireannacha agus ó fhoinsí coigríche araon, agus ar méideanna iad atá inchurtha faoi Cháin Ioncaim Éireannach, Cháin Ghnóchan Caipitiúil Éireannach nó Cháin Fháiltas Caipitiúil Éireannach, nó a bheadh inchurtha amhlaidh murach díolúintí agus faoisimh atá i reachtaíocht na hÉireann, agus
- (b) méideanna comhfhreagracha a fhaigheann daoine, nó atá infhaighte ag daoine, a bhfuil cónaí orthu i mBallstát eile den A.E., ar méideanna iad atá inchurtha faoi Cháin Ioncaim, Cháin Ghnóchan Caipitiúil, Chánacha Oidhreachtá nó Bronntanais an Stáit sin, nó a bheadh inchurtha amhlaidh murach díolúintí agus faoisimh atá i reachtaíocht an Stáit sin.

* Is ceart na hÍocaíochtaí Leasa Shóisialaigh agus Fheidhmeannacht na Seirbhíse Sláinte seo a leanas a eisiáimh le linn ioncam ináirithe a ríomh:

- Sochar Linbh,
- Forlíonadh ar Ioncam Teaghlaigh,
- Liúntas Míchumais (má íoctar leis an iarrthóir é),
- Pinsean Dall (má íoctar leis an iarrthóir é),
- Íocaíochtaí Teaghlaigh Aontuismitheora (a chuirtear faoi Thástáil Acmhainne),
- Pinsin Caomhnóra (Pinsean Dílleachta mar a bhí),
- Liúntas chun Filleadh ar Oideachas,
- Liúntas Cúraim Altrama,
- Liúntas Cúraim Baile, agus
- Liúntas Cúramóra;

[Nóta: Tá na ríomhaireachtaí sonracha do mhéid an ioncaim ináirithe faoi na ceanteidil éagsúla le fáil san fhoirm iarratais agus sna nótaí a ghabhann léi.]

ciallaíonn **“céile”** gach duine de lánúin phósta atá ag maireachtáil le chéile nó fear agus bean nach bhfuil pósta lena chéile ach atá ag maireachtáil i bhfochair a chéile mar fhear céile agus bean chéile;

ciallaíonn **“Coiste Gairmoideachais”** an Coiste Gairmoideachais a ainmnítear i bhfoitheideal na scéime seo.

CLÁSAL 2: DÁMHADH DEONTAS

2.1 Déanfaidh an Coiste Gairmoideachais deontais a dhámhadh d’iarrthóirí cáilithe de réir théarmaí na scéime seo. Ní bheidh iarrthóir cáilithe do dheontas faoin scéim seo má bhíonn dámhachtain eile aige/aici atá iníoctha as cistí poiblí in Éirinn nó ó Bhallstát eile AE ach amháin nuair a fhaigheann iarrthóir ceadúnas oiliúna VTOS nó deontas tacaíochta Teileseirbhísí. Ní áirítear i ndámhachtainí den sórt sin is iníoctha as cistí poiblí damhachtainí do mhic léinn faoi Chiste Comhpháirtíochta na Mílaoise agus faoin gCiste do Mhic Léinn faoi Mhíchumas.

CLÁSAL 3: DAOINE LENA mBAINEANN AN SCÉIM SEO

Baineann an Scéim seo:

- 3.1 le hiarrthóirí atá ag iontráil cúrsa ceadaithe PLC don chéad uair i scoilbhliain 2008/09;
- 3.2 Tá iarrthóirí dícháilithe má tá cáilíocht Leibhéal 5 FETAC (ar a dtugtaí cáilíocht Leibhéal 2 FETAC (NCVA) tráth), cáilíocht Leibhéal 6 FETAC (ar a dtugtaí cáilíocht Leibhéal 3 FETAC (NCVA) tráth) nó cáilíocht tríú leibhéal ag Leibhéal 6 nó níos airde acu. D'ainneoin an coinníoll sin, áfach, is féidir iarrthóirí a bhfuil cáilíocht Leibhéal 5 FETAC (ar a dtugtaí cáilíocht Leibhéal 2 FETAC (NCVA) tráth) acu agus atá ag déanamh cúrsa a thairgeann dul chun cinn ar an gcáilíocht sin a mheas a bheith incháilithe do chabhair deontais.

CLÁSAL 4: CÁILITHEACTH IARRTHÓIRÍ

Chun a bheith cáilithe i gcomhair deontais faoin Scéim seo comhlíonfaidh iarrthóir na coinníollacha seo a leanas maidir le cónaí, aois, acmhainní agus náisiúntacht.

4.1. Cónaí

- 4.1.1 Ní mór gnáthchónaí a bheith ar thuismitheoirí nó ar chaomhnóirí an iarrthóra, nó, i gcás iarrthóra aibí neamhspleách, ar an iarrthóir féin, i limistéar riaracháin an Choiste Gairmoideachais ón 1 Deireadh Fómhair, 2007. Beidh rogha ag an **gCoiste Gairmoideachais** an ceanglas sin a tharscaoileadh in imthosca eisceachtúla.
- 4.1.2 Ní bheidh iarrthóir cáilithe cur isteach ar dheontas i limistéar riaracháin níos mó ná aon Choiste Gairmoideachais amháin.

4.2. Aois

Beidh iarrthóir 16 mbliana d'aois ar a laghad ag tús an chúrsa.

4.3. Acmhainní

- 4.3.1 Le gur féidir deontas a dhámhadh i leith na bliana acadúla 2008/09, ní mór ioncam ináirithe iarrthóra a bheith i gcomhréir leis na teorainneacha ioncaim atá leagtha amach in Aguisín I. Cinnfidh an Coiste Gairmoideachais an t-ioncam ináirithe ar bhonn an eolais a sholáthraítear san Fhoirm Iarratais, faoi réir riachtanais an leabhrán Nótaí faoi iamh. Is cuid den Scéim seo iad an Fhoirm Iarratais agus Nótaí 2008/09.
- 4.3.2 Le gur féidir ráta speisialta den deontas cothabhála a dhámhadh maidir leis an mbliain acadúil 2008/09, ní mór ioncam ináirithe iarrthóra a bheith i gcomhréir leis na teorainneacha ioncaim atá leagtha amach in Aguisín III. Cinnfidh an Coiste Gairmoideachais an t-ioncam ináirithe ar bhonn an eolais a sholáthraítear san Fhoirm Iarratais.
- 4.3.3 I gcás iarrthóra seachas iarrthóir aibí neamhspleách, is é a bheidh in ioncam ináirithe an iarrthóra ná ioncam an iarrthóra agus ioncam thuismitheoirí nó chaomhnóirí an iarrthóra, ach amháin i gcás ina bhfuil thuismitheoirí an iarrthóra colscartha nó idirscartha go dleathach nó i gcás ina suítear chun sástacht an Choiste Gairmoideachais go bhfuil siad idirscartha, agus sa chás sin is é a bheidh in ioncam ináirithe an iarrthóra ná ioncam an iarrthóra agus ioncam an thuismitheora lena gcónaíonn an t-iarrthóir. [Nóta: Féach Roinn 7 sna Nótaí a ghabhann leis an

bhFoirm Iarratais chun na critéir a fheiceáil a chuireann an Coiste Gairmoideachais i bhfeidhm le linn idirscaradh a shuíomh.]

- 4.3.4** I gcás iarrthóra aibí neamhspleách, is é a bheidh in ioncam ináirithe an iarrthóra ná ioncam an iarrthóra agus ioncam a c(h)éile, más infheidhme.
- 4.3.5** Beidh ioncam ináirithe iarrthóra amhail mar a bhí don bhliain dar críoch 31 Nollaig, 2007.
- 4.3.6** Le gur féidir ráta speisialta den deontas cothabhála a dhámhadh ní mór ceann de na hÍocaíochtaí atá liostaithe in Aguisín III a bheith san áireamh san ioncam ináirithe iarrthóra, amhail an 31ú Nollaig 2007.

4.4. Náisiúntacht

Beidh ar iarrthóirí:

- a bheith ina náisiúnaigh den Aontas Eorpach; nó
- Stádas Oifigiúil Dídeanaí a bheith acu; nó
- Cead Daonchairdis a bheith acu chun Fanacht sa Stát (roimh an Acht Inimirce 1999); nó
- cead a bheith acu ón Aire Dlí agus Cirt, Comhionannais agus Athchóirithe Dlí fanacht i ndiaidh cinneadh a bheith déanta gan ordú díbeartha a dhéanamh faoi Alt 3 den Acht Inimirce 1999; nó
- cead a bheith acu fanacht sa Stát de bhua pósta le náisiúnach de chuid na hÉireann atá ina chónaí nó ina cónaí sa Stát, nó a bheith ina leanbh le duine den sórt sin, nach bhfuil ina náisiúnach AE; nó
- cead a bheith acu fanacht sa Stát de bhua pósta le náisiúnach Bhallstát eile den Aontas Eorpach atá ina chónaí nó ina cónaí sa Stát agus atá nó a bhí fostaithe, nó féin-fhostaithe, sa Stát, nó a bheith ina leanbh le duine den sórt sin, nach bhfuil ina náisiúnach AE; nó
- a bheith ina náisiúnaigh de bhalltír laistigh den Limistéar Eacnamaíochta Eorpach (EEA) (féach Aguisín V) nó den Eilbhéis.

CLÁSAL 5: LUACH DEONTAS

- 5.1** Beidh luach deontas de réir na rátaí bliantúla a shonróidh an tAire Oideachais agus Eolaíochta. Tá na rátaí atá sonraithe amhlaidh don bhliain acadúil 2008/09 leagtha amach in Aguisín II.
- 5.2** Beidh luach rátaí speisialta den deontas cothabhála de réir na rátaí bliantúla a shonróidh an tAire Oideachais agus Eolaíochta. Tá na rátaí atá sonraithe amhlaidh don bhliain acadúil 2008/09 leagtha amach in Aguisín IV.
- 5.3** Beidh deontais chothabhála iomlána agus pháirteacha iníoctha de réir rátaí tadhlaacha nó neamhthadhlaacha. Déanfaidh an Coiste Gairmoideachais an ráta is infheidhme i ngach cás ar leith a chinneadh de réir mhíreanna 5.4 go 5.6 anseo thíos.
- 5.4** Beidh rátaí speisialta den deontas cothabhála iníoctha de réir rátaí tadhlaacha nó neamhthadhlaacha. Déanfaidh an Coiste Gairmoideachais an ráta is infheidhme i ngach cás ar leith a chinneadh de réir mhíreanna 5.4 go 5.6 anseo thíos.
- 5.5** Seachas i gcás mac léinn aibí, beidh an ráta tadhlaach deontais cothabhála iníoctha i gcás

sealbhóra deontais a bhfuil a g(h)náthchónaí 24 ciliméadar nó níos lú ón ionad PLC a bhfuil sé/sí ag freastal air.

- 5.6** Beidh an ráta neamhthadhlach deontais cothabhála iníoctha i ngach cás eile, lena n-áirítear i gcás gach mac léinn aibí a cháilíonn, arna measúnú mar chleithiúnach nó mar iarrthóir aibí neamhspleách.

CLÁSAL 6: GLACADH LE DEONTAIS, SEALBHÚ DEONTAS AGUS LEANÚINT DE DHEONTAIS

6.1 GLACADH LE DEONTAIS

6.1.1 I gcás ina dtairgfidh an Coiste Gairmoideachais deontas d'iarrthóir faoin Scéim seo déanfaidh an t-iarrthóir, laistigh de cibé tréimhse tar éis an tairiscint a fháil a shonróidh an Coiste Gairmoideachais, daingniú a thabhairt don Choiste Gairmoideachais maidir le teideal an chúrsa a bheartaíonn sé/sí a dhéanamh.

6.1.2 I gcás ina dtairgfear deontas d'iarrthóir faoin Scéim seo ach nach ndéanfaidh sé/sí cúrsa ceadaithe i 2008/09 measfar tairiscint an deontais a bheith ar ceal.

6.2 Sealbhú Deontas

6.2.1 Ní fhéadtar deontais a dhámhtar faoin Scéim seo a shealbhú ach i leith freastal ar chúrsaí ceadaithe ag an Aire Oideachais agus Eolaíochta.

6.3 Leanúint de Dheontais

6.3.1 Déanfar deontas a dhámhtar faoin Scéim seo a dhámhadh ar bhonn sealadach don scoilbhliain 2008/09 agus ní leanfar de in aon scoilbhliain ina dhiaidh sin murar deimhin leis an gCoiste Gairmoideachais go bhfuil forálacha na Scéime seo á gcomhlíonadh go hiomlán i gcónaí.

6.3.2 Féadtar deontas a shealbhú ar feadh ghnáthré an chúrsa PLC cheadaithe agus féadtar é a athnuachan go bliantúil ach sin faoi réir rannpháirtíocht agus freastal sásúil a bhaint amach agus ceadú an Choiste Gairmoideachais.

6.3.3 Más mian le sealbhóir deontais cúrsa a athrú ní mór dó/di réamhchead a fháil ón gCoiste Gairmoideachais ionas go gcinnteofar go gcloífear le forálacha leanúnachais na scéime seo.

6.3.4 Ní bheidh sealbhóir deontais a theipeann sna scrúduithe deireadh bliana agus ar mian leis/léi athbhliain a dhéanamh incháilithe do leanúint de dheontas i leith na hathbhliana. Má éiríonn leis/léi san athbhliain, áfach, is féidir an deontas a athnuachan do bhliain/bhlianta ina dhiaidh sin an chúrsa.

6.3.5 Ní féidir deontais a íoc i leith dara tréimhse freastail ag an leibhéal céanna do chúrsa ceadaithe chun críocha na scéime seo, is cuma ar íocadh deontas roimhe sin nó nár íocadh. Beidh rogha ag an gCoiste Gairmoideachais an fhoráil sin a tharscaoileadh in imthosca eisceachtúla ar nós breoiteacht deimhnithe thromcúiseach.

CLÁSAL 7: ATHRÚ AR CHÚINSÍ

- 7.1** Más rud é go dtagann athrú ar chúinsí maidir leis na nithe seo a leanas féadfaidh an Coiste Gairmoideachais measúnú nó athmheasúnú a dhéanamh ar cháilitheacht duine lena mbaineann an Scéim seo i dtaca le dámhadh an deontais nó i dtaca le leibhéal an deontais a dámhadh:
- (a) ioncam ináirithe an iarrthóra, de réir bhrí Chlásal 4, ar dóigh dó a bheith buan (i.e. is dócha a fháil do thréimhse an chúrsa cheadaithe nó do na blianta beaga amach anseo),
 - (b) an líon leanaí cleithiúnacha;
 - (c) an líon leanaí
 - (i) atá ag fáil oideachas lánaimseartha tríú leibhéal;
 - (ii) atá ag freastal ar chúrsa aitheanta PLC, ar chúrsa oiliúna altráí nó ar chúrsa oiliúna Gardaí;
 - (iii) atá páirteach i gcúrsa Fáilte Ireland (CERT mar a bhí) ar bliain amháin ar a laghad a fhad;
 - (iv) atá ag freastal ar chúrsa lánaimseartha de chuid Teagasc i gColáiste Talmhaíochta;
 - (v) atá ag freastal ar chúrsa oideachais bhreise lánaimseartha, ar bliain amháin ar a laghad a fhad, i dTuaisceart Éireann;
 - (d) gnáthchónaí;
 - (e) Náisiúntacht, nuair nuair a déantar Náisiúnach de chuid na hÉireann nó náisiúnach de Bhallstát eile de chuid an AE den iarrthóir.
- 7.2.** Is iad na teorainneacha ioncaim is infheidhme faoin Scéim seo i gcásanna faoi Chlásal 7.1(a) nó (b) nó (c) thuas ná na teorainneacha don scéim don bhliain ina dtarlaíonn an t-athrú ar chúinsí.
- 7.3** Nuair a tharlaíonn athrú dochrach in ioncam ináirithe déanfar dámhachtainí nó coigeartuithe i gcásanna a mheasúnaítear faoin gClásal seo le héifeacht ón mí ina dtarlaíonn an t-athrú ar chúinsí.
- 7.4** Nuair a tharlaíonn athrú deimhneach san ioncam ináirithe i rith na scoilbhliana, leanfar d'íoc aon deontas bronnta go dtí deireadh na scoilbhliana sin. Déanfar sealbhóirí deontais den sórt sin, áfach, a athmheas sula ndéanfar an deontas a athnuachan don bhliain acadúil dar gcionn.

CLÁSAL 8: DEONTAS A ÍOC

- 8.1** Déanfaidh an Coiste Gairmoideachais deontas cothabhála an sealbhóra deontais a íoc i dtráthchoda míosúla i riaráistí i rith na scoilbhliana. Déanfar íocaíocht faoi réir rannpháirtíocht agus freastal sásúil ar an gcúrsa PLC.

CLÁSAL 9: IARRATAIS AR DHEONTAIS

- 9.1** Déanfar iarratais ar dheontais ar an bhfoirm iarratais oifigiúil*, atá ar fáil ón gCoiste

Gairmoideachais. Ní mór an fhoirm sin, arna comhlánú go cuí, a bheith faighte ag an gCoiste Gairmoideachais tráth nach déanaí ná **29 Lúnasa, 2008**. Féadfaidh an Coiste, áfach, glacadh le hiarratas nach bhfaighfear in am agus féadfaidh sé, dá lánrogha féin, déileáil le hiarratas den sórt sin amháil is dá mbeadh sé faighte in am. *Is cuid den Scéim seo iad Foirm Iarratais agus Nótaí 2008/09.

- 9.2** Maidir le haon iarrthóir a measfar a (h)iarratas a bheith déanach, féadfar a (h)iarratas a phróiseáil agus féadfar deontas a dhámhadh dó/di ó thosach an chéad bhliana eile dá c(h)úrsa.
- 9.3** Beidh an méid seo a leanas ina choinníoll maidir le glacadh le hiarratas faoin Scéim seo, go ndéanfaidh tuismitheoirí/caomhnóirí iarrthóra nó, i gcás iarrthóra aibí neamhspleách, go ndéanfaidh an t-iarrthóir féin nó a c(h)éile, más infheidhme, i ndáil le próiseáil an iarratais, a údarú
- (i) don Choiste Gairmoideachais agus don Roinn Oideachais agus Eolaíochta, cúnaimh na gCoimisinéirí Ioncaim a lorg agus aon eolas agus doiciméid iomchuí a thabhairt dóibh;
 - (ii) do na Coimisinéirí Ioncaim agus an Roinn Gnóthaí Sóisialacha, Pobail agus Teaghlaigh aon eolas nó doiciméid iomchuí as a dtaifid a thabhairt don Choiste Gairmoideachais agus don Roinn Oideachais agus Eolaíochta agus aon fhiosrúcháin a dhéanamh agus aon doiciméid a lorg a mheasann siad a bheith riachtanach chun a chumasú dóibh cabhrú leis an gCoiste Gairmoideachais agus leis an Roinn Oideachais agus Eolaíochta;
 - (iii) don Choiste Gairmoideachais an fhoirm iarratais a aistriú chuig Coiste Gairmoideachais eile más gá sin a dhéanamh.
 - (iv) don Choiste Gairmoideachais/don Roinn Oideachais agus Eolaíochta faisnéis a aistriú ón iarratas deontais go dtí bunachar sonraí lárnach a bhféadfaidh rochtain a bheith ag na Coimisinéirí Ioncaim agus ag an Roinn Gnóthaí Sóisialacha agus Teaghlaigh air.

CLÁSAL 10: EOLAS A NOCHTADH

- 10.1** Féadfar sonraí faoi mhéid deontais is iníochta faoin Scéim seo i leith sealbhóra deontais a chur ar fáil do Ranna/d'Oifigí eile Rialtais agus do ghníomhaireachtaí seirbhíse poiblí ach sin faoi réir na nAchtanna um Chosaint Sonraí, 1988 agus 2003, a chomhlíonadh. Iarrtar ar Choistí Gairmoideachais a chinntiú go mbíonn Oifigí Choistí Gairmoideachais, Comhaltaí Coiste agus na Comhaltaí Ábharthacha Seachtracha ar an eolas nach féidir aon sonraí maidir le hiarratais deontais mac léinn a fhoilsiú agus go bhfuil sonraí i seilbh an Choiste Gairmoideachais maidir le mic léinn aonair faoi réir théarmaí na nAchtanna um Chosaint Sonraí, 1988 agus 2003.

CLÁSAL 11: IONCAM AGUS EOLAS EILE A DHEARBHÚ

- 11.1** Déanfaidh an t-iarrthóir agus tuismitheoirí nó caomhnóirí an iarrthóra nó, i gcás iarrthóra aibí neamhspleách, déanfaidh an t-iarrthóir agus céile an iarrthóra, más infheidhme, dearbhú maidir

le hioncam ináirithe agus déanfaidh siad cibé eolas agus doiciméid a chur faoi bhráid an Choiste Gairmoideachais de réir mar a theastóidh ón gCoiste chun an t-iarratas a phróiseáil go hiomlán. Tá freagracht ar na hiarrthóirí a chinntiú go bhfuil an ráiteas ar ioncam agus na sonraí eile a iongtar iomlán agus críochnúil ar gach slí. **Más rud é gurb é is cúis le mainneachtain de chuid an iarrthóra an t-eolas iomlán críochnúil sin a thabhairt ná eolas a bheith fágtha ar lár d'aon turas nó míchruinneas réamhbheartaithe, dlífead an t-iarrthóir/na hiarrthóirí a ionchúiseamh, dlífidh sé/sí an deontas a chailliúint agus dlífidh sé/sí aon chuid de dheontas a bheidh faighte cheana a aisíoc, mar aon le hús.**

CLÁSAL 12: DÍOSPÓIDÍ A CHINNEADH

- 12.1** I gcás go ndiúltaíonn Coiste Gairmoideachais deontas a dhámhadh ar an iarrthóir faoin Scéim seo, is féidir leis nó léi achomharc a dhéanamh ar an gcinneadh seo chuig an gCoiste Gairmoideachais sin. Sa chás, tar éis an nós imeachta achomhairc seo a bheith ídithe, go mbíonn an t-iarratasóir den tuairim go bhfuil an Scéim seo léirithe nó forléirithe mícheart ag an gCoiste Gairmoideachais, féadfaidh sé nó sí a cheist/ceist nó a dhíospóid/díospóid maidir leis an léiriú nó an forléiriú sin a chur faoi bhráid an Aire Oideachais agus Eolaíochta, ag a mbeidh an cinneadh críochnaitheach ar an gceist nó an díospóid sin.

**SCÉIM DHEONTAS COTHABHÁLA DO MHC LÉINN A
FHREASTALAÍONN AR CHÚRSAÍ IAR-ARDTEISTIMÉIREACHTA
2008**

Teorainneacha Ioncaim Ináirithe do ghnáth-rátaí deontais +
don tréimhse 1 Eanáir 2007 go 31 Nollaig 2007 (an bhliain chánach 2007)

An Líon Leanaí Cleithiúnacha	Cothabháil iomlán	Cothabháil pháirteach (75%)	Cothabháil pháirteach (50%)	Cothabháil pháirteach (25%)
Níos lú ná 4	€39,760	€42,235	€44,720	€47,205
4 – 7	€43,680	€46,415	€49,145	€51,880
8 nó níos mó	€47,430	€50,400	€53,360	€56,320

+ Sa bhliain acadúil 2008/09, i gcás ina mbeidh 2 leanbh nó níos mó (nó tuismitheoir an iarrthóra) ag déanamh cúrsa staidéir atá liostaithe anseo thíos féadfar na teorainneacha ioncaim ináirithe a mhéadú €4,815 más rud é go bhfuil 2 leanbh den sórt sin ann, €9,630 más rud é go bhfuil 3 leanbh den sórt sin ann agus mar sin de, de réir breisithe €4,815:-

- (i) ag freastal ar chúrsa oideachais lánaimseartha tríú leibhéal
- (ii) ag freastal ar chúrsa aitheanta PLC, ar chúrsa oiliúna altraí nó ar chúrsa oiliúna Gardaí
- (iii) páirteach i gcúrsa Fháilte Ireland (CERT mar a bhí) a mhaireann bliain amháin ar a laghad ar fhad
- (iv) ag freastal ar chúrsa lánaimseartha de chuid Teagasc i gColáiste Talmhaíochta
- (v) ag freastal ar chúrsa lánaimseartha oideachais bhreise, a mhaireann bliain amháin ar a laghad ar fhad, i dTuaisceart Éireann.

**RÁTAÍ NA NDEONTAS COTHABHÁLA DO GACH SEALBHÓIR
DEONTAIS I LEITH BHLIAIN ACADÚIL 2008/09**

	Ráta Neamhthadhlach	Ráta Tadhlaich
Cothabháil Iomlán	€3,420	€1,370
Cothabháil Pháirteach (75%)	€2,565	€1,030
Cothabháil Pháirteach (50%)	€1,710	€ 685
Cothabháil Pháirteach (25%)	€ 855	€ 345

AGUISÍN III

RÁTA SPEISIALTA DE DHEONTAS COTHABHÁLA

Le gur féidir ráta speisialta den deontas cothabhála a dhámhadh maidir leis an mbliain acadúil 2008/09, ní rachaidh ioncam ináirithe iarrthóra (don tréimhse 1 Eanáir, 2007 go dtí 31 Nollaig 2007, bliain chánach 2007) thar: -

- **€20,147**

⇒ glan ar eisiaimh chaighdeánacha (de réir mar atá leagtha amach i gClásal 1 den Scéim seo)

agus

⇒ glan ar Ardú Cleithiúnach Linbh (C.D.I.) a íocann an Roinn Gnóthaí Sóisialacha agus Teaghlaigh

Ón 31 Nollaig 2007, ní mór don ioncam ináirithe seo ceann de na híocaíochtaí leasa shóisialaigh liostáilte thíos a bheith san áireamh leis.

LIOSTA D'ÍOCAÍOCHTAÍ INGHLACTHA

1. ÍOCAÍOCHTAÍ CÚNAIMH SÓISIALTA

Ainm Nua	Sean-Ainm
Pinsean Dall	
Liúntas Cúramóra	
Íocaíocht Teaghlaigh Aontuismitheora	Liúntas Banchéile Tréigthe Liúntas Tuismitheora Aonair Liúntas Chéile Príosúnaigh
Liúntas Míchumais	
Cúnamh Feirme	
Liúntas Iarrthóra Poist (arna shealbhú le 391 lá nó níos mó)	Cúnamh Dífhostaíochta
Pinsean Stáit (Neamhranníocach)	Pinsean Seanaoise (Neamhranníocach)
Íocaíocht Chaomhnóra (Neamhranníocach)	Pinsean Dílleachta (Neamhranníocach)
Liúntas Réamhscoir	
Pinsean Baintrí/Baintrí Fir Neamhranníocach	

2. ÍOCAÍOCHTAÍ ÁRACHAIS SHÓISIALTA

Ainm Nua	Sean-Ainm
Sochar Cúramóra	
Íocaíocht Teaghlaigh Aontuismitheora	Sochar Banchéile Tréigthe
Pinsean Easláine	
Forlíonadh Éagumais	Forlíonadh Dífhostaíochta
Sochar Báis Dhíobhálacha Ceirde (Pinsean Dílleachta)	
Sochar Báis Dhíobhálacha Ceirde (Pinsean Baintrí/Baintrí Fir)	
Pinsean Stáit Ranníocach	Pinsean Seanaoise Ranníocach
Íocaíocht Caomhnóra (Ranníocach)	Liúntas Dílleachta (Ranníocach)
Sochar Iarrthóra Poirt (leanúnach ar feadh ar a laghad 12 mí)	Sochar Dífhostaíochta
Pinsean Baintrí/Baintrí Fir (Ranníocach)	
Pinsean Stáit (Aistriú)	Pinsean Scoir

3. FORLÍONADH IONCAIM TEAGHLAIGH (FIS)

4. CLÁIR AINMNITHE

Liúntas chun Filleadh ar Oideachas (Rogha dara agus tríú leibhéal)

Liúntas chun Filleadh ar Obair (Fostaithe)

Liúntas Fiontraíochta chun Filleadh ar Obair

Scéim Fostaíochta Pobail

Scéim Sóisialta Tuaithe

Cláir Oiliúna FÁS lena n-áirítear Príntíseachtaí

Scéim Dhreasachta Phost Pháirtaimseartha

Scéim Deiseanna Oiliúna Gairmoideachais (VTOS)

5. EILE

- (a) Ag fáil íocaíochtaí faoin gClár Scileanna Fháilte Ireland atá comhionann le híocaíocht leasa shóisialaigh;
- (b) Ag fáil íocaíochtaí faoi Thionscnamh FIT (Fastrack to IT) atá comhionann le híocaíocht leasa shóisialaigh;
- (c) Rannpháirtithe atá ag glacadh páirt i gcúrsa oiliúna atá ceadaithe ag Roinn Rialtais, Gníomhaireacht Stáit nó ag Comhpháirtíocht Ceantair agus a bhí ag fáil íocaíochta incháilithe sula ndeachaidh siad ar aghaidh chuig an gclár;
- (d) Fostaithe atá ag fáil cúnamh deontais i bhfiontraíocht eacnamaíochta sóisialta;
- (e) Ag fáil íocaíochtaí faoi na cláir Ionaid Oiliúna don Lucht Siúil Sinsearach.

RÁTAÍ SPEISIALTA DEONTAIS CHOTHABHÁLA DO 2008/09

Deontas	Deontas Caighdeánach	Méid Breise	Deontas Iomlán
Ráta Neamhthadhlach	€3,420	€3,270	€6,690
Ráta Tadhlaich	€1,370	€1,310	€2,680

AGUISÍN V

Tíortha AE/LEE

	Tír AE	Tír LEE
An Ostair	✓	✓
An Bheilg	✓	✓
An Bhulgáir	✓	✓
An Chipir	✓	✓
Poblacht na Seice	✓	✓
An Danmhairg	✓	✓
An Eastóin	✓	✓
An Fhionlainn	✓	✓
An Fhrainc	✓	✓
An Ghearmáin	✓	✓
An Ghréig	✓	✓
An Ungáir	✓	✓
An Íoslainn	x	✓
Éire	✓	✓
An Iodáil	✓	✓
An Laitvia	✓	✓
Lichtinstéin	x	✓
An Liotuáin	✓	✓
Lucsamburg	✓	✓
Málta	✓	✓
An Ísiltír	✓	✓
An Iorua	x	✓
An Pholainn	✓	✓
An Phortaingéil	✓	✓
An Rómáin	✓	✓
An tSlóvaic	✓	✓
An tSlóivéin	✓	✓
An Spáinn	✓	✓
An tSualainn	✓	✓
An Ríocht Aontaithe	✓	✓